

Guangjsih Minzczu Bau

ganhhau: CN45-0036 B.2014 Nd.1 Ng.15 liggaueq gveiqceih nienz ndwenlab cibngux

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3107期

Yungzsuij: Guh Hung Guh Giengz Minzczu Funghcingz Lijyouz Cwngzyau Yienhda

融水:做大做强民族风情旅游成效显著

Gaenh bi daeuj, Yungzsuij Myauzczu Swciyen gak gaep dangveij, cwngfuj dawz guh hung guh giengz minzczu funghcingz lijyouz dangguh yiengh hong youqgaenj ndeu daeuj gaem, aeundaeg cingczik yienhda.

It dwg ndwn youq giz sang, ciuq iugouz sang bae guh lijyouz fazcanj gveihva, cungdenj hopheux "singz ndeu (yienhsingz), bya ndeu (Byayenzbaujsanh), dah ndeu (Dahbeigyangh), ciet ndeu (cietqmaxdoxdik)" bien sat lijyouz cungdij gveihva nem cujyau lijyouz gingdenj cungdij gveihva.

Ngeih dwg roengz geij ik maenz hwnjguh, gajjguh lijyouz gingdenj

gihcuq sezsih, gyarengz beizyin doenghboux guh hong lijyouz de. Dangqnaej daengx yienh miz guekgya 4A gaep gingjih aen ndeu, 3A gaep gingjih 4 aen, lijhingzse 5 aen, singhiz binhgvanj 3 aen, binhgvanj 150 lai aen, lajmbanj lijyouz nungzyahloz gizciepdaih 50 ranz, doenghboux guh hong lijyouz 16000 lai vnz.

Sam dwg gaihcanj gak cungj gak yiengh senhconz doigawj gaisau hozdung. Lai baez gawjbanh ndei ciet boq vnz maxdoxdik, ruzlungz doxdax, ciet baexo vnz, ciet baexo, ciet mangzhauh, Cungguk Myauzczu vwnzva lundanz, go Myauzczu, go Duncuz, fwen

yenjangvei hung daengj baenz buek minzczu vwnzva hozdung.

Seiq dwg 2010 nienz gonqlaeng ndaej gih raeuz nem guekgya mizgven bumwnz bingzguh Gvangsijh lijyouz yen maenhndei, "Cungguk mbanj-ranz boq vnz maxdoxdik", "Cungguk gizdieg minzczu funghcingz lijyouz ciet ndei", "Cungguk gizdieg aenvenz swnghdai lijyouz ciet ndei", "Cungguk gij cietgingq ciet miz minzczu daegsaek" daengj.

Haj dwg doenghboux hekyouz daeuj Yungzsuij youz de yied daeuj yied lai, bi' gvaq gozging couh de miz 20 fanh vwnzbaez daeuj, lizsij ciet lai. (Fung Sauswh Veiz Lonzcih)



Bwzswz Si Suhfazgyah Daengz Yauzczu Yangh Sij Doiqcin Soengq Beixnuengx Yauzczu

百色市书法家到瑶族乡 书写春联送瑶胞

1 nyied 9 hauh, Cunghgoz Yinzsou, Bwzswz Si Yihbauj Cungsim, Yougyangh Suhva Yozyen lienzhab cujiz Bwzswz Si Suhfaz Hezvei doenghboux veiyen, daengz Lingzyinz Yen Cauzlij Yauzczu Yangh Luzcoz Cunh Mbanjnabaz, guh vwnzva hozdung hawj vunzlai souh'ik, gyoengq suhfazgyah de dangciengz sij doiqcin soengq hawj vunzlai, miz 200 lai boux beixnuengx Yauzczu dangciengz ndaej soengq doiqcin, gyoengqde sim'angq haenhndei. Ndaw doz dwg boux suhfazgyah cingq sij doiqcin hawj vunzlai. (Loz Hihhaij ingi)

Bingzgoj Yen Youq Dieg Saujsu Minzczu Guh Fuzbinz Haifat Cwngzyau Yienhda

平果县少数民族地区扶贫开发显成效

Bi' gvaq, Bingzgoj Yen comz rengz youq dieg saujsu minzczu guh ndei hong fuzbinz haifat, daengx yienh hong fuzbinz ndaej fazcanj gig lai, gij diuzgen dieg saujsu minzczu ndaej gajjndei gig lai.

It dwg gyalai roengzngaenz. Daengx yienh gungh bienguh hanghmoeg 247 aen, roengz 98.74 ik maenz, ndawde roengz 31.70 ik maenz guh gihcuq sezsih, roengz 15.84 ik maenz fazcanj canjyez, roengz 15.94 ik maenz fazcanj minzswng, roengz 15.42 ik maenz fazcanj gunghgung fuzvu, roengz 1.24 ik maenz fazcanj naengzlig, roengz 18.60 ik maenz henhoh nem gajjndei

swnghdai vanzging.

Ngeih dwg gyarengz bangfuz canjyez. Bangfuz fazcanj gosangh nonsei canjyez, gungh yinh daeuj, fatcuengq dinfaex gosangh 6260 fanh go, ndaem liux suen gosangh 1.3 fanh moux; lingh guh ndei hong cawx 280 dun feizliu, yinh 28000 dinfaex gosangh hawj Giucwngz Cin Luzyenz, Luzhungz song aen cunh ndaem. Bangfuz guh lajfaex ciengx gaeq hanghmoeg, gungh roengz 112.6 fanh maenz, bangcoengh 225 ranz gungz-hoj fazcanj lajfaex ciengx gaeq.

Sam dwg nyinhcaen guh roen mbanj gaep. Cienzmienh guh sat hong 2012 nienz daihngaih buek

youq dieg saujsu minzczu guh gihcuq sezsih, guhbaenz roen mbanj gaep 10 diuz gungh 9.9 goengleix, gij hanghmoeg neix hawj fanh lai vnz diegbya souh'ik.

Seiq dwg cizgiz gawjbanh gohgi beizyin. Aen yienh neix gungh gawjbanh 11 geiz nungzminz saed-yungh gisuz beizyinbanh, doenghboux camgya beizyin de gungh miz 900 lai vunzbaez; gonqlaeng 3 baez cujiz doenghboux ganbu "song vej" mbanj gungzhoj de bae camgya yienh gaep, gih gaep "song vej" ganbu beizyin, hawj doenghboux daiq roen lai rox, demgya saenqsim daiq vunzlai duet hoj baenzfouq. (Lij Gyanghlanz)

SIUSIK DINJ

简讯

● 1 nyied 7 hauh banhaet, Dava Yauzczu Swciyen Yauzczu Yozvei laebbaenz caeuq daih'it baez veiyen daibyaui daihhoih youq Dava Yauzczu Swciyen hai, 65 boux yozyenz daibyaui daj gihcwngz daeuj camgya baez hoih neix. Baez hoih neix daezok bineix gunghcoz yaudenj nem gij dajsuenq haj bi laeng.

(Vangz Vwnzboh)

● Geij ngoenz gonq, Denh-dwngj Yen caizcwng bumwnz gungh bued 1646 fanh maenz coengh lajmbanj yivu gyauyuz boizcaiq, coengh lajmbanj 80 aen yozyau 262 aen hanghmoeg 318 baih yiemqcaiq boiz, neix mizrengz dwk doi daengx yienh gyauyuz gengangh fazcanj.

(Liengz Cwngzfuj Nungz Haijvei)

● 1 nyied 7 hauh, Nazboh Yen youq Bingzmunz Cin Bwzdouj Cunh gawjhengz cunh gaep vwnzyidui yinhyangj fatcuengq yizsi, dawz 18 dauq yinhyangj nem dwngghvangh sezbei(moix dauq dij 1.8 fanh maenz) fat hawj lai aen cunh gaep vwnzyidui, yungh daeuj bang Bingzmunz Cin Bwzdouj Cunh, Nazvan Cunh daengj daengx yienh 18 aen cunh gaep vwnzyidui.

(Vangz Bizvaz)

● Gaeng bi daeuj, Vuzcouh Si Minzvej cizgiz sonyinx minzczu canjbij giyez bangcoengh sevei. Lumj bi' gvaq sonyinx Vuzcouh Ciyau (Cizdonz) Gujfwon Youjhan Gunghsw h roengzrengz coengh aen si neix dieg saujsu minzczu coihguh veiswngghyen, gien gij yw, gijgwn baujgen daengj gungh dij 2900 fanh maenz.

(Liuz Gozvwnj)

● Gaenh duenh seizgan, Cungzcoj Si youq daengx si cienzmienh guh siengjmuengh Cungguk cienzciengq fwen hozdung, miz 100 lai souj go ciengq siengjmuengh Cungguk ndaej cauh okdaeu, vunzlai cienzciengq.

(Liuz Cinghveiz)